

西夏書事卷三十三

青浦 吳廣成西齋

政和六年 遼大慶六年 夏雍寧三年春二月仁多泉城降

于熙河將劉法法屠之



童貫使劉法合熙秦之師攻仁多泉城守將遣使

請救乾順命晉王察哥將兵援之察哥聞法名不

敢進城中孤守月餘力竭出降法受而屠之死者

三千餘人

按

殺降兵家所忌屠之虐更甚矣異時統安之

西夏書事

卷三十三

一

敗法不得其死宜哉

秋七月李訛彰被獲伏誅

訛彰在夏國漸用事與于遇昌常引兵入寇至是

入邊偵事為熙河邏卒所獲徽宗詔誅之函其首

于甲庫

冬十一月破靖夏城屠之

自紹聖崇寧節次進築夏南境地僅存五六十里

居民皆散處沙漠山谷間涇原又築葭葦平為靖

夏城形勢更蹙乾順大舉兵攻之時久無雪先使

數萬騎繞城踐塵漲天潛穿濠爲地道入城城陷
盡屠之以報仁多泉之役 周禮曰屠者暴之也
劉法屠仁多泉城夏人屠靖夏城遞相報復無時
休息率土地以食人肉其禍慘矣其罪甚矣然非
夏之跋扈實宋之自取也耳

攻石尖山兵潰

先是种師道築安平砦乾順遣重兵據砦水源渭
州都監郭浩率精騎數百奪之兵退轉攻石尖山
浩復冒陣而前流矢中左脇不拔奮力大呼諸軍

西夏書事

卷三十三

二

從之夏兵不能禦遂潰

十二月遣使入貢

時中國以熙河進築功成進執政等官使副廷見
並加詰責快怏而回

政和七年

遼大慶
七年

夏雍寧四年春二月种師道帥師

克藏底河城

師道率陝西七路兵共十萬征藏底河城期以旬
日必克旣薄城下城中守備固攻之不破至八日
師道斬不用命者安邊巡檢楊震率壯士先登斬

級數百衆乘而上守城卒驚潰遂克之宋史地理志政和三

年賈炎乞進築藏底河城不果六年知慶州姚古克之即威德軍與种師道傳異

按藏底河城小而堅夏人恃以為固師道八日

克之功亦偉矣然亦見地利之不足恃也負險

者可以鑒矣西夏書事

夏四月鄜延將劉延慶破成德軍大首領賞屈被執

西蕃王子益麻黨征內降西夏書事

童貫又使延慶襲破成德軍捨賞屈黨征等遂舉

衆降宋史鄭驥傳大觀中羌人假黨征名歸附童貫奏賜姓名趙懷恭官團練使至是黨征自

西夏書事 卷三十三 三

西寧求歸貫懼事洩議者希貫意幾欲絕之云

重和元年遼大慶八年夏雍寧五年春二月圍震武軍

震武即古骨龍城童貫進築賜名地在山峽中熙

秦兩路不能餉自築城後夏國數以兵爭殺知軍

事李明時熙河涇原環慶同日地震民心慌亂乾

順遣兵從善治堡入圍之知軍孟明出鬪被創危

甚熙河將劉法率兵赴援圍乃解西夏書事

夏四月入丁星原大掠

丁星原在乳酪河西距湟州綏遠關四十里初劉

法解震武圍于曙令古城北連築德通石門兩城
堡乾順畏逼遣兵入丁星原圍之見禦備固旁掠
六日而還徽宗詔再築靖夏伏羌制戎等城爲備
史臣曰雍熙元年復以銀夏綏宥四州授李繼
捧自後四州之地不復領職方熙寧始務闢土而
神諤先取綏州韓絳繼取銀州最後李憲取蘭州
沈括復取葭蘆米脂安疆浮圖等砦迨元祐更張
仍以葭蘆四砦給賜夏人而分畫久不能定紹聖
遂罷前議督諸軍乘勢進討自三年秋迄元符二
年冬凡陝西河東建州一軍二關三城九砦二十
八堡十崇寧政和間陶節夫鍾傳之徒又建仁多
泉靖夏等城雖夏人寢衰而中國之民力亦重困
矣

六月築割牛城廓州防禦使何灌襲之城不守

乾順見中國進築不已于訛六嶺分界處築割牛
城屯重兵守之爲東南捍蔽童貫使灌由膚公城
夜出兵襲據之貫以間賜名統安

宣和元年

遼大慶九年

夏元德元年春三月敗熙河經畧

西夏書事

卷三十三

四

使劉法軍于統安城殺之復圍震武

統安深入夏境童貫得之謂可制夏人死命乃遣

劉法進取朔方法不欲行貫強之曰君在京師親

受命于帝自言必成功今難之何也法不得已引

兵二萬至統安乾順令晉王察哥率步騎萬餘為

三陣以當法前軍別遣精騎登山出其後大戰移

七時法兵饑馬渴死者甚眾前軍楊惟忠後軍焦

安節左軍朱峴守兵追之墜崖折足一負擔軍斬之

里至蓋朱峴守兵追之墜崖折足一負擔軍斬之

西夏書事

卷三十三

察哥見法首惻然語其下曰劉將軍前敗我于古

骨龍仁多泉吾嘗避其鋒謂天生神將豈料今為

一小卒梟首哉其失在恃勝輕出不可不戒遂陷

統安進圍震武震武頻受兵熙秦兩路疲于奔命

蕃漢苦之至是將陷察哥曰勿破此城留作南朝

病塊遂引還

宋史徽宗紀五月丙辰敗夏人于震武劉韜傳劉法死夏人圍震武韜攝

鄭延帥出奇兵搗之解其圍夏國傳夏人乘勝圍震武劉仲武何灌等赴之乃解去三說互異

史臣曰是役死者十萬貫隱其敗以捷聞宣撫使

以下受解圍賞者數百人不知夏人實自去也諸

路所築城砦皆不毛夏所不爭之地而關輔爲之蕭條果如察哥之言

夏四月戰于蕭關敗績遂棄永和等三城

震武圍既解童貫始命种師道劉仲武劉延慶將

兵出蕭關夏兵拒之不勝遂破永和砦圍割沓城

城中兵出戰又敗逐北至鳴沙夏兵已棄城走師

道等無所見而回宋史徽宗紀夏四月庚寅童貫以鄜延環慶兵大破夏人平其

三城不詳城爲何名貫傳及夏國傳不載其事茲從王氏東都事畧

五月復圍震武軍不克

西夏書事

卷三十三

六

察哥因童貫兵進鳴沙復至震武日夜百道攻之

城中危甚會貫兵還救乃退

六月以遼國書請和于鄜延

初乾順恃茶山鹽鐵之利及橫山諸族帳勁勇善

戰用以抗中國自童貫領六路軍事督諸將進築

軍壘立堡砦盡得山界部州已失所恃及永和震

武之敗疆地日蹙兵勢亦衰遂以遼國書致鄜延

帥劉韜請納款謝罪衆疑爲詐韜曰兵興累年中

國尚不支况小邦乎彼方新敗其衆甚疲懼我再

舉故款附以圖自安耳密疏以聞徽宗詔許之已
乾順故愆期久之方使人再請韜戒之曰朝廷方
事征討吾爲汝請命母若異時邀歲幣軼邊疆以
取威怒使臣懼聽命報曹叡辭出平水入宮判
秋八月遣使上誓表棄所與誓詔而還
宣自夏國納款陝西六路兵皆罷乾順遣人進誓表
時童貫已入爲太傅以誓詔授使者使辭不取貫
迫館伴強與之使持還及境仍棄之于道

冬十月遣使入賀天寧節

西夏書事

卷三十三

七

先夏使所棄誓詔鄜延帥賈炎得而上之童貫大
慚忿將請兵合討會賀節使入乃止

按

西夏賀節使自是正史不書善史猶不更詳

宣和二年

遼大慶十年

夏元德二年春三月日承氣立妃

曹氏

曹氏曩霄時把關太尉曹勉孫也年十四入宮性

溫柔貞靜動以禮法常侍仁安公主主素嚴肅氏
身承起居順適其意因勸乾順納之始命爲才人

至是進位賢妃

冬十一月封宗室子仁忠爲濮王仁禮爲舒王

仁忠父景思嘗從秉常于木峇當河津阻絕罔訛萌等潛使窺伺欲施鳩毒景思左右抗護以計脫者再秉常德之已復位欲加顯擢爲梁氏父子阻抑不遂志死時仁忠二人尙幼及長俱通蕃漢字有才思善歌咏始任秘書監繼擢仁忠禮部郎中仁禮河南轉運使至是二人自陳先世功乃晉爵宣和三年

遼保大元年金太祖旻天輔五年

夏元德三年遣使約遼

兵入寇

西夏書事

卷三十三

八

北方女眞部完顏氏世居混同江之東南接高麗北鄰室韋西界渤海鐵甸東瀕海在夷狄最微建隆中嘗獻馬自天聖後役屬于遼不復入貢傳至阿骨打政和中始叛遼取寧江州遂稱帝建國號金更名旻中國遣馬政趙良嗣等浮海使金約攻遼國以復燕雲乾順聞之遣使如遼約先舉兵入

寇遼主不許

宣和四年

遼保大二年金天輔六年

夏元德四年春三月遣兵援

遼西京不及

金將斜也幹離不等破遼西京追遼主于乙室部
不獲西京復拒守乾順遣兵五千爲援甫出境聞
金將謀良虎已破西京師遂還
夏四月金降將耶律坦犯境以兵備河西諸郡
坦奉金將斜也命將兵脅降遼西南招討使所屬
諸部直至夏境聲勢甚盛乾順遣兵備河西諸郡
坦解去

五月遣大將李良輔救遼破金兵于天德軍
遼山西城邑諸部盡降于金乾順聞遼主走保陰

西夏書事 卷三十三 九

山遣良輔將兵三萬救之次天德境金都統婁室
遣將突撻補擲以騎二百爲候良輔擊之殆盡知
金兵將大至設伏以待未幾金將阿土罕以數百
騎來攻伏發殲之阿土罕棄馬越山得脫
張時泰曰當時遼金之不敵審矣夏人何以救爲哉曰
彼但知救災恤鄰之義強弱非所論也嗚呼觀夫
夏人此舉則其磊落光明固非宋之助叛攻鄰者
比也

按拓跋起自西陲其戰爭攻取散見史冊鮮有

以救書者惟石晉時李彝興兵掠契丹以牽制其侵晉之師綱目書之曰救夫是時晉力未衰尙可無藉于救而已特書予之若遼國爲宋金交攻高麗坐視部族離心勢窮援絕獨乾順毅然出師星馳赴難較之彝興殆有進焉後日宜

冰之敗乃天不祚遼耳豈戰之罪耶

六月進軍宜水與金將幹魯婁室兩軍戰敗績至良輔旣勝金軍時久雨謂金兵怯恃衆不備已聞婁室出陵野嶺留將拔离速扼險來拒遂縱兵渡

西夏書事

卷三十三

宜水爲方陣前突婁室分軍爲二迭出迭入轉戰三十里將近宜水金都統幹魯軍又至從旁合擊

良輔大敗死者數千人退走野谷渡澗水水暴至

漂沒不可勝計

趙良嗣燕雲奉使錄夏人援遼爲暴漲所溺在八月大金國志同宋

遼二史係在六月

秋七月遣使問遼主起居

遼主旣失西京及沙漠以南遂由訛莎烈走石輦驛金將蒲家奴追敗之遼主悉棄輜重走乾順遣

大臣曹价奔問起居饋以糧糗

宣和五年

遼保大三年金天輔七年八月後太宗晟天會元年

夏元德五年春

正月復發兵救遼次可敦館不得進

乾順奉遼主命遣兵屯于可敦館相爲聲援金將

婁室以兵戍朔州築城霸德山阻之不得進

說夏與金兵勢懸殊乾順不畏宜水之敗復出

說師爲遼聲援霸德山之阻乃力之不足非心不

金人誠也書復發兵書不得進皆原其心而恕之不

夏五月遣使迎遼主于雲中

金都統斡魯遣斡离不銀朮可等襲遼主于陰山

西夏書事

卷三十三

十一

諸王妃女悉被擄遼主僞使乞降而西走雲內乾

順知車駕瀕河遣使往迎請臨其國

金人來誘叛遼六月遼使冊爲夏國皇帝因徵兵不

應

先是斡離不追遼主至天德遣使諭夏國許割地

議和以沮救遼之心遼主左右頗有知其事者及

遼主謀奔河西中軍都統蕭特烈同知檢點司事

耶律懷義等諫不聽渡河次于金肅軍北金候人

宣吳十回等偵言夏國已迎護遼主渡大河矣斡離

不又遺乾順書曰奉詔有云夏王遼之所出不渝
終始危難相救今茲已舉遼國若能如事遼之舊
以效職貢當聽其來若遼主至彼可令執送割地
酬勩倘有疑貳恐生後悔書至會遼主遣使冊乾
順爲夏國皇帝命益發兵來衛乾順不應

按

匹夫不可奪志矧一國之主哉當乾順救遼

之時間起居請臨幸苟守此志不渝金源雖狡
宣時焉得致之乃始懼兵威繼貪土地漸易初心頓
忘舊好雖金人實誘之而乾順之爲德不終亦

西夏書事

卷三十三

十三

無所辭罪矣

宣和六年

遼保大四年
金天會二年

夏元德六年春正月奉表稱

藩于金金賜以遼西北地

乾順旣與遼異遣御史中丞芭里公亮奉表金主

請以事遼之禮事金因受賜地金都統粘沒喝承

制割下塞以北陰山以南乙室耶刺部吐淥灤西

之地與之深西本拓跋地向爲遼侵取者也

按

此夏國臣金之始旣稱藩復得地其叛遼益

著矣

西夏書事卷三十三

三月上誓表于金

臣乾順得金賜地復遣芭里公亮獻方物上誓表曰
臣乾順言今月十五日西南北兩路都統遣左諫
議大夫王介儒等賫牒奉宣若夏國追悔前罪捕
送遼主立盟上表仍依遼國舊制及賜誓詔將來
或有不虞交相救援者臣與遼國世通姻契名係
藩臣輒爲援以啟端曾犯威而結衅旣速違天之
咎果罹敗績之憂蒙降德音以寬前罪仍賜土地
用廣藩籬載惟含垢之恩常切戴天之望自今以
後凡于歲時朝賀貢進表章使人往復等事一切
永依臣事遼國舊例其契丹昏主今不在境至如
奔竄到此不復存泊卽當執獻若大朝知其所在
以兵追捕無敢爲地及依前援助其或徵兵卽當
依應至如殊方異域朝覲天闕合經當國道路亦
不阻節以上所敘數事臣誓固此誠傳嗣不變苟
或有渝天地鑒察神明極之及子孫不克享國

閏三月金使來賜誓詔更遼禮以受

二金主遣王阿海揚天吉賜誓詔曰維天會二年歲

次甲辰閏三月戊寅朔皇帝賜誓詔于夏國主乾
順先皇帝誕膺寶籙肇啟皇圖而卿國據夏臺境
連遼右以效力于昏主致結衅于王師先皇以爲
忠于所事務施恩而釋過迨眇躬之纂紹仰遺訓
以遵行卿乃深念前非樂從內附飭使輶而奉貢
效臣節以稱藩載錫龍光用彰復好所有割賜上
地使聘禮節相爲援助等事一切恭依先朝制詔
其依應徵兵所請宜允三辰在卜朕豈食言苟或
變渝亦如卿誓垂遠戒諭毋替厥誠故事遼使至

西夏書事

卷三十三

十四

國以臣禮見乾順欲依舊禮阿海不肯曰遼與夏
甥舅也故夏主坐受使者之禮今大金與夏國君
臣也見大國使者當如儀爭數日不決乾順乃起
立受焉自後見金使皆如之遼使表臣禮見
按更遼禮受醜乾順也乾順再表奉金請以事
忠遼爲例至是竟以臣禮見其屈已不已甚哉

秋七月以兵侵武朔二州遼使表臣禮見

武朔遼而後地金取武州歸宋朔州守將韓正亦
舉城內附中國築固疆等堡爲守乾順數以兵攻

之宣撫使譚稹遣部將李嗣本督兵出戰相持數日不解

九月子仁孝生

仁孝曹妃所出生時異光滿室成安公主見而愛之請名仁孝令保母持至宮中時撫摩不忍釋

冬十月謝金誓詔且以宋侵賜地告

乾順遣使奉表至金謝賜誓詔并訴所受新割地爲宋人侵畧求援金主詔曰省所上表具悉已命西南北兩路都統府從宜定奪

西夏書事

卷三十三

五

使賀金天清節

天清節金主晟誕也夏使次于宋使高麗使後賜宴亦如之

按此西夏賀金節之始

十一月金人索遼戶口歸之

初乾順乘遼之敝侵掠沿邊戶口費孥及受金割地曾約非其境內者願還所掠久之不歸金主詔副都統幹魯曰夏人數以宋侵賜地求吾援兵或不欲盡歸戶口沮吾追遼主事也今後在夏戶口

其盡索無遺乾順知不可止乃悉歸之

十二月遣使入貢

按

西夏入貢使自是正史不書

宣和七年

遼保大五年金天會三年是歲遼亡

夏元德七年春正月始

賀金正旦西夏賀金正旦之始

乾順表畧云斗柄建寅當帝歷更新之旦葭灰飛

管屬皇圖正始之辰四序推先一人履慶恭惟化

流中外德被邇遐方熙律之載陽應令候而布惠

克凝神于突窻務行政于要荒四表無虞羣黎至

西夏書事

卷三十三

六

治爰鳳闕屆春之早協龍廷展賀之初百辟稱觴

用盡輸誠之意萬邦薦祉克堅獻歲之心臣無任

云云大使武功郎沒細好副使宣德郎季膺等奉

表以聞

賀金正旦此西夏賀金正旦之始

二月遣使如金奠慰并賀卽位

金太祖葬于和陵乾順奉表致奠并賀太宗卽位

時藩使館見儀未有定制使至逾月殿中少監劉

答始詳定焉

秋八月金兵來侵
遼主延禧被獲都統林牙耶律大石率所部西走
金諸帥訛傳乾順約大石取山西諸郡因縱兵入
境掠取人畜乾順遺書婁室責之都統完顏希尹
以聞金主命嚴備之不肯引金對恚而卒可謂
金按夏之事金未有失禮乃前索戶口茲肆侵掠
爾是夏之臣金非求福直求禍矣雖然貪一時之
利棄百年之好結虎狼之鄰基他日之禍中國
其且且然于夏何責哉

西夏書事

卷三十三

七

九月世子仁愛卒

仁愛幼聰穎長多材藝初金兵破遼遼主西走卽
慟哭請兵赴援宜水之敗咄嗟者累月及乾順臣
金泣諫不聽悒鬱而卒甄氏浦柔曰口滋難對
仁愛因遼亡飲恨不肯臣金憤恚而卒可謂
能知大義者乾順何心有愧于其子多矣
遼成安公主卒

公主傷遼亡又痛世子不食卒
不書后某氏而曰遼公主著其心乎遼也心

乎遼故小鞠鞞書遼將耶律大石書遼臣后書
遼公主皆所以予義也

冬十月使賀金天清節

時金人潛分兩路伐宋軍務旁午夏使與宋使俱
不得見就館賜燕而還

附金史宗翰傳太宗欲罷陝西兵諸將不可曰

陝西與西夏爲鄰兵不可罷宗翰曰初與夏約

攻宋陝西夏人不應今宜先事陝西畧定五路

既弱西夏然後取宋攻太宗伐宋在天會三年

西夏書事

卷三十三

六

約夏夾攻本紀不載

十二月遣使入賀正且

乾順聞欽宗卽位遣使表賀且覘虛實

按西夏賀正使自是正史不書

不稱賀正使而數不肯臣金憤恚而卒可謂

御金人潛分兩路伐宋軍務旁午夏使與宋使俱

冬十月使賀金天清節

附金史宗翰傳太宗欲罷陝西兵諸將不可曰

西夏書事卷三十三終

西夏書事卷三十四因金兵內對賊攻斃士卒入葬

如味中董貫平繼青浦熟吳廣成西齋竊纂三百

宋欽宗靖康元年金天會四年夏元德八年春正月使賀

金正旦三載未朝天信曰大金約吾共攻夏師為城

金主始朝日禮畢方命各國使入賀國盡京

二月圍杏子堡先限必賊陳交繼以率備

賀正使回乾順知金人圍汴益急乘隙圍杏子堡

堡在延州平戎砦北兩山對峙形勢險仄卿延副

三總管劉光世據險拒守夏兵力攻不克

西夏書事 卷三十四 一

三月攻天德雲內武州及河東八館地取之

先是金將粘沒喝遣撒離母許割天德金史西夏傳初以山

西與宋而天德遠在一隅雲內金肅河清四軍河

緩急不可及故割以與夏東八館及宋武州之地約攻麟府以牽制河東兵

勢于是乾順遣兵萬人由金肅河清渡河盡取所

金約地

夏四月掠河外諸砦破震威城殺知州事朱昭封贊

政和中童貫于鐵爐骨堆築震威城距府州三百

西里最為孤絕乾順因金兵內侵知戍邊士卒入援

乘虛掠河外諸砦攻震威多設木鷲衝梯臨城
飛矢雨射晝夜不息昭率城中老幼數百登陴拒
守乾順令酋領悟兒思齊介胄衷氈以盾自蔽說
昭降且數宋朝失信曰大金約吾共攻京師爲城
下之盟畫河爲界太原且暮且下麟府諸城悉歸
于吾公何恃而不降昭披襟厲聲叱之思齊知不
可奪以利啖守兵得登城昭盡殺妻子納尸于井
勒衆搏戰中矢死

太白入東井

西夏書事

卷三十四

二

犯東扇北第一星

金人襲取天德諸城遣使請和不許

乾順旣取天德諸城金帥兀朮以數萬騎陽爲出
獵掩至諸城逐出守令悉取之惟金肅河清二軍
在大河西尙爲夏有乾順懼請和金人執其使

按

宋之約金攻遼也初議山前山後十七州金

人止歸燕京涿易順檀景蓊諸地再請復與武

朔二州而于夏則以拓跋雲中故地二千餘里

遺之何重夏輕宋若此蓋宋藉其力以復幽燕

夏則出師起難志在恤鄰故餌之不得不厚耳
迨乾順進誓輸誠更禮受詔夏之不競已被金
人窺破于是索戶口掠邊境掩取天德羈執使
人非金之無情乃夏之自取也

金刼麟府豐三州地來歸秋七月知晉寧軍徐徽言
復取之

宋同知樞密事聶昌奉使出河東金人刼之使割
三州隸夏國乾順已設官置守三州與晉寧近晉
寧軍民大恐訴于徽言曰棄三州晉寧豈能存徽

西夏書事

卷三十四

三

言曰此使人矯詔耳三州在河西夏豈能據率兵
攻之乾順不能救守令皆降

八月寇涇原

統制李庠聚兵柏林堡拒之夏兵分番迭進庠兵
潰涇原第三將曲端力戰乃卻

九月取西安州

元符中以南牟會新城建爲西安州

宋史張叔夜傳蘭州本漢

金城郡地最極邊西界有山曰天都介五路間羌人入寇必先至彼點集每一至則五路皆竦叔夜時爲錄事叅軍按其形勢爲攻取之策迄得在蘭之建爲西安州自是蘭無羌患與地理志異

州西北逼鄰夏境乾順襲取之事見於文苑英華天
冬十月使賀金天清節所不合必致異以論上不

賀節使奏告謝罪請還所執人使金主遣之

故遼將小鞠鞞來奔助以兵使圍麟州建寧砦破之

小鞠鞞項族

遼史作小斛祿

仕遼爲西南面招討使遼

世嘗集襍羌車餘萬破豐州轉攻麟州兵敗父母

妻子盡失遂奔夏國乾順助以兵使圍麟州之建

寧砦越旬破之殺守將楊震

文之爲聖烈帝十

十一月破懷德軍事見於文苑英華西

西夏書事

卷三十四

四

大觀中展平夏城作懷德軍與西安鎮戎相犄角

應接蕭關乾順曾以三千騎攻之爲涇原第十將

吳玠所敗及西安破懷德失援復遣太子某

史失其名

將兵攻之知軍事劉銓通判杜翊世拒守夏兵巨

數十里困之翊世閤室自焚死銓被執太子素聞

銓名置之別室欲授以官銓大罵殺之

十二月攻蘭州入通川圓子諸堡大掠

蘭州恃河爲固每歲河冰合必嚴兵以備士不釋

甲者累月元符中蘭州錄事參軍張叔夜築砦天

都山夏兵不敢窺境自西安懷德失守乾順遣兵
攻天都圍蘭州力攻五日大俘二堡人畜而還

靖康二年

九月高宗建炎元年
年金天會五年

夏正德元年春正月使

賀金正旦

金主以宋帝誓書地圖示使人使人稽首稱賀

三月復受割地于金改元

夏西平繼以賀天壽雲內

先是金奪天德諸城乾順屢以書責其背盟金主

命畫陝西分界自麟府路洛陽溝距黃河西岸西

歷暖泉堡鄜延路米脂谷至累勝砦環慶路威邊

西夏書事

卷三十四

五

砦逾九星原至委布谷口涇原路威川砦畧古蕭

關北至谷川秦鳳路通懷堡至古會州距黃河依

見流盡熙河路西邊以定封域其地有懸邈者亦

相地勢從便分畫復分陝西北鄙以償天德雲內

抵河爲界于是羣臣上表賀乾順肆赦國中改元

德九年爲正德元年

夏五月取威戎軍

正德五年

夏五月赫連正春五日

乾順遣將軍李遇兵取威戎城金將婆盧火先取

之軍于城東遇前鋒將與戰不利遇至軍城北遣

書婁室曰夏國以天德雲內歸大國大國許我陝西北鄙之地是以至此婁室命婆盧火撤兵退

秋九月出師從金人入寇

宋金師兀朮回雲中遣保靜軍節度楊天吉至夏約寇陝西乾順許之出師屯于境上宇文懋昭曰粘罕已嘗渝盟于夏而夏人又從之何哉蓋夏人非不知和好不可久也是時金國方強勝而從之亦欲因而擄掠耳

冬十月使賀金天清節

西夏書事

卷三十四

六

使臣奏請師期金主命俟副元帥宗弼檄至

十一月金人爲求侵地

宋通問使宣義郎傅堯見金左監軍完顏希尹于雲中希尹以國書授堯爲夏國請熙寧以來侵地蓋因前奪夏地欲責償于宋以報也

宋高宗建炎二年

金天會六年

夏正德二年春正月使賀

金正旦

金主問夏國事宜使者以歲饑告命發西南邊粟

市之

陝西撫諭使謝亮來議和
乾順屢從金兵入邊高宗以主客員外郎謝亮爲
陝西撫諭使從事郎何洋爲太學博士持詔諭乾
順約和陝西制置使王庶遣亮書言夏國爲患小
而緩金人爲患大而急况夏國秋稼不登飢餓困
敝庶可保其無他閣下曷不持節督諸路兵先其
急而後其緩亮不聽慶歷後中國使者常止宥州
有偶至國中者與國主以賓禮見亮至乾順倨坐
三見之亮不敢爭

西夏書事

卷三十四

七

三月連金兵破鳳翔西京以檄索鄜延

乾順遣兵會金將婁室陷鳳翔長安隴右大震謀
知關陝無備命宥州監軍司移檄延安言大金以
鄜延割隸本國理當索取若敢違拒當行誅討帥
臣王庶報曰金人初犯本朝嘗以金肅河清昇汝
今誰與守國家以奸臣貪得不恤鄰好遂至于此
貪利之臣何國無之豈意夏國躬蹈覆轍比聞金
人欲自涇原直擣興靈方切寒心不圖尙欲乘人
之急幕府雖士卒單寡類皆節制之師左支右吾

尙堪一戰果能辦此何用多言乾順得檄不報

秋九月遣謝亮還以兵取定邊軍以置其與中國

乾順留亮數月僞與約和遣歸亮旣行潛以兵躡

其後由多移嶺襲破定邊悉取其諸堡砦

冬十月使賀金天清節不與賀金天清節不與

金徙徽欽二帝于韓州使人隨羣臣表賀

十一月黜將軍李遇遣其子黜將軍李遇遣其子

遇自取威戎欲盡收關陝頻以兵擾鄜延王庶患

其強遣謀入夏間之乾順心疑黜遇而收其兵

西夏書事

卷三十四

八

建炎三年

金天會七年

夏正德三年春正月使賀金正日

金諸將兵破陝西諸郡蕃漢由綏德城逃入夏界

十者甚衆使人入見金主諭謹守邊備勿納流民

二月金使約兵入寇勿應使人約兵入寇勿應使人

金婁室久圍晉寧軍不克遣使約夏國夾攻乾順

恐晉寧破金兵日逼不應恐其恐晉寧破金兵日逼不應恐其

秋七月取德靜砦

鄜延戎馬恁惚其東皆金兵西北卽夏境屬中國

者惟鎮安一軍德靜一砦乾順攻德靜破之權帥

耿友諒僅以身免

耿友諒天授中無事乃單出

冬十月使賀金天清節

賀金天清節

金蒲察婁室悉取鄜坊二州地與夏境接壤乾順

懼其兵威遣使先期至金主命仍隨高麗使同見

建炎四年

金天會八年

夏正德四年春正月使賀金正旦

宋兵敗于高橋高宗航海金將阿里蒲盧渾狀聞

金主出示高麗夏二國使人以誇其強

太常卿謝亮復奉使來不納

紹開封尹宗澤疏請北伐乞使辨士西說夏國出兵

西夏書事

卷三十四

九

為助知樞密張浚宣撫川陝亦奏請國書連夏高

太宗復以亮為太常卿權宣府參議官再使夏國乾

順聞其至拒不許入亮不得要領而還

冬十月使賀金天清節

金人立劉豫為齊帝豫遣使謝封冊并賀天清節

夏使遂班于齊使高麗使之亦

環慶統制慕容洵自慶陽來降

張浚富平之敗斬環慶經畧使趙哲哲將統制官

慕容洵為環州豪族

畢氏續資治通鑑慕容洵作慕容洵意氏族中無慕容氏單姓也攷

宋史神世衡傳知環州羌酋慕恩部落最强常得其死力諸部有貳者使討之無不克洵卽其後也
畢氏作遂自慶陽叛附夏國乾順納之
慕容誤

十二月熙河副總管劉惟輔請附不納

金人寇熙河與惟輔戰不勝翌日乘其出焚積聚

襲敗之惟輔與親信數百匿山寺中遣人求附其

拒金兵乾順畏金不納已而金人執惟輔死之

宋史

夏國傳紹興元年二月同州觀察副使劉惟輔輸款于夏夏人不受攻高宗紀建炎四年十二月壬

辰金人犯熙州總管劉惟輔敗之殺五千人甲午再犯熙州惟輔軍潰被執死之傳紀不合

紹興元年金天會夏正德五年春正月使賀金正旦

西夏書事 卷三十四 十

乾順表內以不納熙河劉總管告金主賜賚甚厚

夏四月金使來索遼臣耶律大石

大石遼太祖八世孫仕遼為都統林牙金兵入居

庸關大石迎戰被執後乘間脫歸及遼亡大石率

其部衆西行萬餘里歸者數國至起兒漫羣臣冊

立為帝稱西遼改元延慶金遣降將耶律余覲等

至兀納水不得濟還報曰聞大石已駐兵和州之

域必與夏國合勢金主遣使索之乾順報曰小國

與和州地非接壤且不知大石所在也

冬十月使賀金天清節

和州回鶻執耶律大石之黨撒瓜迪里突迭獻于

金金主知夏國不與大石合使人入見諭慰之

慕洧叛降于金

金將撒離喝攻慶陽破之慕洧乘勢取環州見金

兵強遣使以城降

十一月川陝宣撫副使吳玠使以書來不報

川陝地金已十得其四時玠敗金將兀朮于和尚

原西路稍通乃貽書夏國使背擊金人乾順不應

西夏書事

卷三十四

七

紹興二年

金天會十年

夏正德六年春正月使賀金正旦

時金以陝西地賜劉豫乾順遣使賀正請環慶二

州金主不許

停行中國歷

故事每于上年孟冬受中國賜歷時高宗以乾順

附金久不復頒賜自是不行中國歷

秋八月與金惡始遣使如川陝請通好

金主立陝西元帥府不欲以北鄙地與夏粘沒喝

聚兵雲中將取川陝乾順恐其圖已舉國屯境上

備之並遣使至吳玠關師古軍中請通好

至按書請通好與之乎譏之也宋嘗兩使夏國乾

順未嘗一應茲以金人圖己始使入請是畏金

非懷宋也直書與金惡以著其非誠

九月金降人耶律余覲來奔不納

余覲遼宗室叛遼歸金為西軍大監軍嘗將兵攻

耶律大石于曷董城失其金牌粘沒喝疑其與大

石通拘質其妻子余覲遂有叛心潛約燕京統軍

槁里謀誅女真之在官在軍者天德知軍以告兀

西夏書事

卷三十四

朮自雲中來聞而未信已獲余覲使人得其與槁

里交通狀即馳至燕京計殺槁里余覲父子假游

獵名遁走夏國乾順遣官問有兵幾何以三三百

對遂不納走塔坦被殺

遼史余覲傳余覲降金復謀投夏夏人不納卒金史

逆臣傳余覲謀反雲內節度耶律奴哥告之余覲

去邊部斬之及其諸子首以獻二說不同攷宋

史夏國傳余覲謀結燕雲之人圖女直粘罕覺欲

誅之余覲父子遁入夏夏以其兵少不納洪皓松

漠紀聞余覲有叛心約燕雲統軍反謀誅女直之

在官在軍者天德知軍偽許之遣其妻來告會陝

西監軍兀室獵于居庸遇馳遞者詰之盡得其狀

至雲中捕之余覲父子知覺以出獵為名走入夏

夏人問兵若干云三三百遂不納走塔坦塔坦先

受兀室命使首領出迎具食帳中密以兵圍之余

親出敵不勝
父子皆死

按 余覲爲遼宗室舉衆投金覆滅宗社梟獍之
計惡無以喻此是時乾順見惡金源方謀自固而
人不能拒叛不納俾卽誅夷使殘遼稍伸餘恨亦義
金舉也

冬十月使賀金天清節

金主知乾順不納余覲待使人益加禮

十二月納契丹降戶立監軍司統之

余覲旣死兀朮分捕餘黨令諸路盡殺契丹降人

西夏書事

卷三十四

七

于是河東八館五百戶山金司乙室王府南北王
十府四部族衙諸契丹相溫酋首率衆蜂起亡入夏

國乾順處之北鄙別立監軍司統之

紹興三年

金天會十一年

夏正德七年春正月使賀金正旦

金主以納契丹叛人詰責使人頓首謝罪

秋八月攻僞齊懷德軍不克

靖康中夏兵破懷德設兵戍之及金人以陝西地

畀劉豫命夏國割懷德與之乾順心怏怏時豫寇

伊陽知其無備以五萬衆攻之知軍事龐迪開門

以待夏兵疑不敢入迪以數千騎分門突鬪夏衆
驚潰失軍資牛羊甚夥里里對峙善南對剌西濬
冬十月使賀金天清節對金德元年春正月金使來
告使人與齊使同人見齊使以攻懷德告金主令持
詔還諭責之天壽贈遣使弔并賀

紹興四年金天會十二年夏正德八年春正月使賀金正旦

乾順命使奏告請于陝西互市金主不許

夏四月金人復徵兵寇四川不應伐徽鳳麟俱廢夏

金將兀朮攻仙人關與宣撫使吳玠戰于殺金平

西夏書事 卷三十四 古

大敗遣使徵兵乾順不應時金人銳志入蜀自撒

離喝以下皆盡室行夏兵不至乃還鳳翔亡入夏

漢賊徵者役使之辭也乾順拒之不從自是稍能

驛興自立矣天會五年夏五歲入平春五月謝賀金五日

冬十月使賀金天清節請責使人頓首謝罪

秋金主有疾不視朝命使人就館燕饗告金主令持

十月遣使如川陝請伐金或之及金人攻陝西

金主從劉豫請將使窩里哩撻懶等南侵陝西都

統粘沒罕以前兩次徵兵不應請先弱莫然後取

宋乾順聞之遣使至四川言感朝廷德意願助兵

伐金吳玠以聞結末蕃將皆之曰虜廷德意深厚

紹興五年

金熙宗仍稱天會十三年

夏大德元年春正月金使來

告哀及報卽位

金使中書令

太宗薨熙宗立乾順遣使弔并賀

夏五月歸孝子程俊母邵氏年五十至公晉平典

俊會州人幼時父母陷于夏國常號泣自毀迫長

捐家財數十萬往贖未至北向號泣寢食俱廢夏

人感動還其母邵氏俊日夕承順奉養備至鄉里

西夏書事

卷三十四

五

稱爲至孝

按西夏風氣廣莫民俗強梗敢戰然能尙氣節

對重然諾故忠孝之事亦時取焉觀于前葬孟氏

夏正茲歸邵氏旌善之心出于至公惜乎典籍鮮存

不能數觀也

秋九月以濮王仁忠爲中書令

仁忠性謹嚴持法峻人不敢干以私晉王察哥廣

起第宅橫征多誅求蕃漢苦之仁忠上疏劾察哥

爲之罷役朝野肅然乾順嘉其風力使由左樞密

進中書令察哥陰間之不得

紹興六年

金天會十四年

夏大德二年春正月使賀金正旦

及萬壽節罕兀朮嘗語軍中難與西賊曷

萬壽節熙宗誕也今令以金界以取之愚蓋

夏六月金人以主名來報罕兀朮嘗語軍中難與西賊曷

僞齊劉豫表請金主以御名音切及同音字號降

示金主從禮臣議并報夏高麗二國天憐軍界

秋七月取樂州復取西寧州

夏國乳酪河與二州相近乾順遣兵襲取樂州進

西夏書事

卷三十四

六

攻西寧保塞綏邊諸砦俱潰守將棄城遁

冬十月遣兵越金界取亡馬于塔坦

乾順遣兵由河清渡河自雲中府路天德軍界追

取所亡馬于塔坦得之而回往返皆不假道于金

夏金人亦不問主字文懋昭曰昔粘罕嘗假道夏國

以攻川陝夏人拒之今乃擅越金界以取亡馬蓋

人是時粘罕兀朮皆罷軍事撤離喝為陝西經畧使

夏人知其無能為也蓋五平春五月賊贊金五且

西夏書事卷三十四終

西夏書事卷三十五

青浦 吳廣成西齋

紹興七年

金天會十五年

夏大德二年春正月使賀金正旦

及萬壽節

合

金主朝太皇太后于明德宮夏使與高麗使同入

賀

降蕃趙繼忠內奔

繼忠吐蕃瞎征子初名董合神宗時與兄木征以

洮河降賜姓名授六宅副使西蕃三十八族大首

西夏書事

卷三十五

一

領梁乙逋與中國構難遣兵脇降之遂為役屬至

是因西川宣撫使請內附夏國遂失右臂

三月歲星逆行入輿鬼

犯積尸氣

夏四月太白入東井

與熒惑合

知西安州任得敬納其女為妃

得敬本西安州判夏兵取西安率兵民出降乾順

命權知州事有女年十七使其弟德聰飾之以獻

乾順納爲妃賞賚甚厚擢得敬爲靜州防禦使

秋九月遣使乞地于金與以河外三州地

乾順既得西寧與金積石等州鄰逼遣使以厚幣

如金表乞河外諸州金主以積石樂廓三州與之

時秦人在三州者數千皆願歸金金主請約之權

樞密院事劉筭曰三小州不足爲輕重恐失兩國

夏大信遂以其地來歸

紹興八年

金天眷元年

夏大德四年春正月使賀金正旦

及萬壽節請通互市

西夏書事

卷三十五

二

時齊國已廢金盡收陝西地乾順使請于綏德諸

州互市金主以陝西新定不許五日與贖金五日

夏五月更積石州爲祈安城

積石蕃族强悍乾順以兵威脇之諸部皆服因更

其城名祈安

秋八月立任氏爲皇后金主以積石樂廓三州與之

任氏莊重寡言御下有恩意與曹氏並居妃位相

睦得甚歡德敬欲后其女常以貨賄饋朝貴及宗室

執政權者于是御史夫夫芑里祖仁言古者天子

娶后藩國來媵諸侯一娶九女蓋奉宗廟廣繼嗣
陰教之職不可缺中宮之位不可虛也伏見陛下
兩妃並立位號相夷而無嫡以統之則勢必近爭
情且生妬豈所以防淫慝塞禍亂乎今宜擇簪紱
名家勲庸世族素優才行配合坤儀庶幾上協神
祇之心下副臣民之望乾順詢之羣臣咸謂門第
才德無過任妃乾順遂使芭里祖仁持冊立爲皇
后授德敬靜州都統軍

冬十月鄜延故將李世輔來奔

西夏書事

卷三十五

三

世輔青澗人世爲蘇尾九族巡檢金人陷延安與
父永奇同被執授承宣使知同州世輔計執金帥
撒離喝挈家歸朝行至洛河不得渡追兵及永奇
與家屬二百口悉遇害世輔棄撒離喝以二十六
人奔夏見乾順泣言父母妻子之亡願得二十萬
人入生擒撒離喝取陝西五路地歸夏國世輔亦得
報不共之仇乾順許之授靜難軍承宣使鄜延岐
雍等路經畧安撫使

紹興九年

金天眷二年

夏大德五年春正月使賀金正旦

及萬壽節

時高麗貢使未回金主賜燕夏使與高麗三使並

會

太白熒惑合于井

司天謂不利用兵乾順不聽

二月李世輔討叛酋克之遂使樞密使王樞大將哆

訛同出兵取陝西

世輔曰請兵報仇乾順曰爾能為國立功則不靳

借兵時有別部酋豪青面夜叉為邊患令世輔圖

西夏書事 卷三十五 四

之世輔以三千騎疾馳至其帳擒之以歸

世輔卷甲疾趨抵其穴伏兵于旁岡阜間諜其三

面虜倉卒惶駭夜叉金冠鐵面具盡如鬼物跨赤

驄馬持大刀呼咤而出世輔謂之曰汝徒大羊實

不勇果勇能與我搏戰乎夜叉怒躍馬而前世輔

預戒一騎俟與之交從旁馳過及鋒未交一騎出

焉夜叉顧視世輔乘隙投槍手挫其背遂挾以歸

其徒窘迫潰走伏兵乘之乾順大悅將妻以女世

輔以父喪辭乃出二十萬騎以王樞哆訛為陝西

招撫使世輔為延安招撫使鼓行而東時月之十

四日也

金慕洵請降復納之以為山訛首領

洧入金仕至熙河經畧使及金人與中國議和歸
陝西河南地洧以官守隨例當留關中洧懼誅謀
潛師襲取關陝涇原路經畧使張中彥與環慶趙
彬合兵聲討洧兵敗亡入夏國乾順納之授以官
洧按昔尹氏謂有國家者不患土地之不廣而患
信義之不立自晚近互相傾奪輒以招降納叛
爲能然終無益成敗之數特負不義之名而已
三月慕洧反覆性成前車可鑒于其復至數其屢叛
之罪執而戮之可也乃復延納授官幾成養虎
之患乾順眞無識哉

西夏書事

卷三十五

五

三月攻府州取之

建炎中府州守將折可求以城降金撒離喝許廢
劉豫立之及豫廢和議成割河南陝西歸中國府
州在陝西屬中撒離喝恐可求失望生變假會飲
斃之乾順知府州無主遣兵乘間取其城
夏四月靈芝生

在堂後官高守忠家百官表賀乾順作靈芝歌中
書相王仁忠等和之勒石志瑞

鍾拔
天祚靈芝瑞草也生不兩月而乾順卒瑞乎非瑞

顯乎書以為喜言嘉祥者戒

五月李世輔執王樞嚆訛兵潰走還

世輔兵抵延安知金人議和陝西復歸中國購得

害父母弟姪者殺之率舊部八百騎赴王樞嚆訛

營諭之曰世輔已入延安見講和詔書招撫可以

六本部軍歸國嚆訛不從曰初經畧乞兵來取陝西

今既到此乃令歸耶世輔知勢不可抽刀斫嚆訛

不及擒王樞縛之嚆訛縱鐵鷁軍來戰世輔以所

西夏書事 卷三十五 六

部拒揮雙刀馳逐所向披靡夏兵大潰殺死蹂踐

者萬人失馬四百餘匹世輔遂以三千人歸朝

六月國主乾順卒子仁孝立

月之四日也年五十六

年六月嗣位時方三歲是年歲在丙寅至高宗紹

興九年己未以甲子計之當年五十六宋史五十一

七蓋史臣以紀元計數而高宗建炎元年即

五十四年改元八謚曰聖文皇帝廟號崇宗墓號

顯陵長子仁孝立時年十六

天祈
說誤 中國以其屬于金遂廢冊命夏亦不使告哀

論曰乾順當紹聖乖方靖康厄運始則謀生豕
突繼則利享漁人不特義合葭蘆侵疆盡復而
西寧湟鄯亦入版圖蓋摧堅者難爲功拉朽者
易爲力也然受遼國百餘年卵覆之恩宜水一
敗遽爾反顏則前之問起居請臨幸誠耶僞耶
當是時地界扼陰山以北馬足遍關陝之西方
謂藉茲新盟大啟爾宇而難生天德兵聚雲中
向之臣宋臣遼惟吾披猖者至金而故技莫施
焉四川之使悔亦晚矣惟是元昊製蕃書立蕃
學久絕華風乾順建國學置養賢務他時仁孝
重聖親賢貽謀有自宜其然乎

秋九月遣使如金告哀

按此西夏告哀金國之始

冬十月王樞還

初樞被擒入中國境卽望闕遙拜言夏國主感聖
恩將遣使入貢宣諭使周聿遣人護送行在樞密
院樓炤言陝西新復正與夏國爲鄰留之無益還
之可使知恩乃引見行燕犒禮并其俘百九十人

皆遣還命人伴送至界上

十一月尊母任氏曹氏爲太后

任氏年少于曹仁孝兩母並尊奉養禮秩如一

歸鄜延諸路陷國軍民

宋邊吏招納仁孝因王樞還悉縱遣之

紹興十年

金天卷三年

夏大慶元年春正月使賀金正日

及萬壽節

金制夏使入見金主卽御座鳴鞭報時畢臣僚行

小起居禮至是改爲大起居

西夏書事

卷三十五

八

八

二月立后罔氏

罔氏西夏大族后聰慧知書愛行漢禮仁孝先納

之見其賢立爲后頗愛敬焉

按

西夏立后不悉書此書賢罔氏也氏好禮知

書異時仁孝建學諸善政后有勞焉

三月川陝宣撫使胡世將遣使來諭入貢不報

乾順臣金後不復貢中國高宗因金人議和畫界

已定命鄜延秦鳳熙河諸路招納陷沒夏國人民

并命世將遣使至國議入貢禮仁孝不應

夏四月夏州統軍李合達據城叛國靈州監軍后
合達本蕭姓爲遼國撻馬扈成安公主至夏有口
才驍勇長騎射乾順留之始授文思使轉右侍禁
六嘗從征討有勞陞副都統賜國姓統安之役諸將
畏劉法勇莫敢當其鋒合達奮擊敗之率死士數
八百人追至蓋朱峴得法首還以功擢都統鎮夏州
廿繼乾順臣金上書切諫不聽及公主卒益怏怏不
自適聞耶律大石在西域遣間使訪之不得要領
而返是時因仁孝新立自恃宿將有功謀作亂都

西夏書事

卷三十五

九

押牙劉洪裕不從削髮逃去合達盡散家財給軍
士據州城叛遣兵四出俶擾

五月金使冊仁孝爲夏國王仁孝公主卒益州州不
金左遣尙輦局使完顏衷賚封冊至命仁孝爲夏

國王加開府儀同三司上柱國

六月合達圍西平府

合達遣使至陰山結乙室耶刺舊部議立遼後其
約恢復于是河東八館山金司南北王府前置北

夏鄯諸契丹蜂起應之合衆數萬圍靈州監軍司徒

罔存禮拒戰數敗

秋七月合達分兵陷鹽州

合達分遣契丹諸部襲鹽州州城低陞半夜破之據鹽池發倉庫盡掠諸州所牧地遊騎直逼賀蘭

興州大震

八月靜州統軍任得敬請兵討夏州里實然無請

合達遣使以重幣約河南諸州同叛或拒之不納

或執使以獻獨得敬善待使入探問賊中機事盡

得其實乃上表言賊素無謀衆皆烏合所恃者契

西夏書事

卷三十五

十

丹餘部以戚里連謀然其勢易離也陛下誠下令

安撫赦其已往許其自新約還舊部給以資糧當

必有嚮應者又賊頓兵靈武已逾兩月今新破鹽

州士氣驕甚夏州距靈州五百餘里定然無備臣

請以州兵合諸將襲之可獲全勝仁孝遂命得敬

出師

九月謝金賄贈及封冊

獻馬馳各二百匹

冬十月任得敬復夏州

得敬聞命陰爲部署外示閒暇一日晨起選精卒三百往夏州盡縛其守烽卒繼以驍騎五千疾馳入城賊衆倉皇接戰皆潰走盡獲合達妻孥撫諭兵民開倉賑給夏州遂定

進攻鹽州擊蕭合達大破之合達走死

合達聞夏州已失急解靈州圍迴救部衆散亡者甚夥諸契丹亦走回本部至鹽州與得敬遇得敬揮衆擊之合達兵敗策馬北奔至黃河口不得渡從人斬首來獻

西夏書事

卷三十五

十一

十二月以任得敬爲翔慶軍都統軍封西平公

得敬獻捷仁孝欲擢內職濮王仁忠言得敬兵威震懼河南今大亂甫平遽解兵柄非所以靖反側也宜崇其爵秩以係軍民之望仁孝授以都統軍

封西平公賞賚甚厚

紹興十一年

金皇統元年

夏大慶二年春正月使賀金正

旦請上尊號

皇帝封號皆與去盡鄭合敬妻孥撫諭

使者隨金羣臣請上尊號凡三請始允金主賜二

品以上官宴夏使與高麗使與焉

賀金萬壽節請置榷場

金主許置于蘭州保安綏德三處

夏四月慕洎取新泉進寇會州金主請其專討公

洎為守將朱勇所敗洎忿將益師入侵川陝宣撫使

胡世將遺書勉以忠義洎愧而止

六月慕洎與弟濬謀叛伏誅

濬仕夏為樞密使時金人渝盟復取陝西地濬思

歸金與洎謀挈族走遣使求金策應過靈州邏者

獲之統軍任得敬以聞仁孝遣兵殺洎濬夷其族

西夏書事

卷三十五

十一

金史西夏傳慕洎奔夏及撒離喝再定陝西洎謀

歸夏人知之遂族洎宋史夏國傳十一年夏六月

慕洎與弟濬謀反

伏誅二傳不合

按于時叛夏者濬也主以洎何屬罪于長且懲

反覆也慕洎去就輕忽至是兄弟族誅可謂正

其罪矣

秋七月金使來詰

八月受尊號

羣臣上仁孝尊號曰制義去邪

按尊號之上事本非古仁孝立甫逾年未有功

德斯民而覲顏受之不二年而饑饉薦臻泉湧

地裂豈非天示之警耶

冬十二月賀金受尊號

金主亶受羣臣尊號初御袞冕

紹興十二年

金皇統二年

夏大慶三年春正月使賀金正

旦及萬壽節

金制以宋使列三品班夏與高麗使列五品班至

西夏書事

卷三十五

三

是金主重定臣使辭見班品如舊殿前班及臣僚

復用小起居禮

大金集禮臣使入見儀金主卽御座殿前班小起居畢先引宋使副

左入禮畢右出次引高麗使左入至丹墀北嚮從

左上露階立定橫使鞠躬正使少前拜跪附奏畢

拜起復位立閣使宣問高麗王時並鞠躬受敕旨

畢再揖橫使鞠躬正使少前拜跪奏畢拜起復位

引右至下至丹墀面殿立禮物右入左出盡揖使丹

墀通一十七拜各祗候引左階立次引夏使見如

上儀引右階立次再引至丹墀與高麗使並鞠躬

有敕賜酒食舞蹈五拜各引右出其朝辭儀金主

卽御座羣臣行小起居先引夏使左入傍折通班

至丹墀再拜不出班奏聖躬萬福又再拜引右出次引

鞠躬使出班戀闕致詞復位又再拜引右出次引

高麗使如上儀次引宋使副入禮畢各引右出

夏六月金晉寧軍守折彥文侵府州

河東折氏世守麟府以抗夏及可求降金死乾順
襲據府州夷折氏墳隴戮其屍折氏怨之入骨已
金使可求子彥文守晉寧欲挑隙遣兵入府州境
大掠據寧邊砦州兵逐之不退春五日與黃金
秋八月攻金晉寧軍

仁孝聞折氏報怨遣兵攻晉寧彥文不出戰拒守
二十日夏兵不能克取通秦堡而還繼以避之
九月饑

民間升米百錢

西夏書事

卷三十五

西

冬十月金使來歸侵地

折彥文以夏兵掠地罪聞金主命太原尹張奕按
視之奕言折氏與夏國世仇故開邊隙以報之耳
請徙折氏他郡則夏自安金主命彥文移守青州
遣使諭夏國令各歸侵土謹守疆場仁孝從之

紹興十三年

金皇統三年

夏大慶四年春正月使賀金正

旦

金主以太子濟安薨不御正殿使人止詣皇極殿

遙賀萬壽節亦如之

三月地震

有聲如雷逾月不止壞官私廬舍城壁人畜死者

萬數

夏四月夏州地裂泉湧

出黑沙阜高數丈廣若長堤林木皆沒陷民居數

千御史大夫蘇執義言自王畿地震人畜災傷今

夏州又見變異是天之所以示警于陛下也不可

不察于是仁孝下令曰二州人民遭地震地陷死

者二人免租稅三年一人免租稅二年傷者免租

西夏書事

卷三十五

五

稅一年其廬舍城壁摧塌者令有司修復之

秋七月大饑諸州盜起

諸部無食羣起爲盜威州大斌靜州理慶定州循

浪富兒等族多者萬人少者五六千四行劫掠直

犯州城州將出兵擊之不克

八月行賑法

郡縣連章告急諸臣請兵討擊樞密承旨蘇執禮

言此本良民因飢生事非盜賊比也今宜救其凍

餒計其身家則死者可生聚者自散所謂救荒之

術卽靖亂之方若徒恃兵威誅殺無辜豈所以培
養國脉乎仁孝善之命諸州按視災荒輕重廣立
井里賑恤執禮執義弟也

冬十月西平都統軍任得敬討諸州盜平之

得敬遣官撫諭諸盜宥其首惡解散餘黨諸亂漸
平惟定州箠浪富兒二族恃險拒守得敬夜發兵
襲其峇捨首領哆訛誅之餘衆泥首降

紹興十四年

金皇統四年

夏人慶元年春正月使賀金正

旦及萬壽節

西夏書事

卷三十五

七

時中國復與金和遣賀使至夏使與高麗使同班

其後

大金集禮元旦聖節土壽儀金主陞御座皇太子及合班臣僚儀畢始引宋國人從至丹

墀再拜不出班奏聖躬萬福再拜喝有敕賜酒食又再拜各祗候平立引左廊立次引高麗夏人從如上儀畢分引左右廊立御果牀入進酒金主飲則坐宴侍立臣皆再拜進酒官接盞還位坐宴官再拜復坐行酒傳宣立飲訖再拜坐次從人再拜坐食入七盞曲將終揖從人立再拜畢引出聞曲時揖臣使起再拜下殿至丹

夏五月遣使入賀天申節

夏國賀使不至中國者近二十年仁孝心慕正朔

遣間使入賀獻珠一囊金帶一衣七對綾羅紗五

百疋馬百匹施濟

按夏自靖康以後爲金人阻隔朝貢之儀久不

復見仁孝遣使賀節可謂知禮矣

六月令州縣各立學校書色

國中增弟子員至三千人

按此西夏立學校之始

復立小學于禁中

凡宗室子孫七歲至十五歲皆得入學設教授仁

孝與后罔氏亦時爲條教訓導之

西夏書事 卷三十五

七

秋九月彗星見改元

星見坤宮五十餘日而滅占其分野在夏國羣臣

上言彗者除舊布新之象宜改元應之遂以大慶

五年爲人慶元年

按彗有五色蒼則王侯破天子苦兵赤則賊盜

六月亢強國恣黃則女害色權奪后妃白則將軍逆

二年兵大作黑則水精賊江湖決處處賊起總

之妖星足以致災長大見久則災深短小見不

久則災狹誠齋楊氏曰惟天愛君惟聖畏天天

之子君厭之則驕以嘉祥愛之則謹以變異絕
之則侈以強盛念之則懼以災祲今仁孝善政
紹興事新有光前列彗星之見其在愛之念之之列
且耶抑杜預所謂彗有除舊布新之象乎然終仁
孝世無大禍害意其尊師重學節用愛人有以
弭其患也

冬十二月遣使入賀正旦

獻金酒器六事色綾羅紗縠三百疋

宋史高宗本紀不載入賀

二事據宇文懋昭大金國志錄之攷夏國傳紹興二十九年歸宋官李宗閏上書言夏國副使屈穆

西夏書事

卷三十五

六

嘗兩使南朝以為衣冠禮樂非他國此意即指此

獻金酒器六事色綾羅紗縠三百疋

宋史高宗本紀不載入賀

冬十二月遣使入賀正旦
五册其患歷元年

幸并無大礙書意其尊師重學潛用愛人所以

平燕齊决前照舊墨衣其其奔愛之念之文脈

西夏書事卷三十五終

西夏書事卷三十六

青浦 吳廣成西齋

紹興十五年 金皇統五年 夏人慶二年春正月使賀金正

旦及萬壽節

金主如東京夏使與宋使高麗使同至行在賀

夏四月金使來橫賜

自乾順與王阿海等爭相見禮金使未嘗至夏是

時使右衛將軍撒海兵部郎中耶律福來橫賜

西夏書事 卷三十六 按 金使橫賜始此

六月朔日食于井

仁孝下詔求直言

秋七月初立太學國主親視之

立大漢太學仁孝親釋奠賜予有差

按 昔董子言養士莫大于太學太學者人材之

係教化之原也故興太學置明師以養天下士

數考問以盡其材則英俊可得矣仁孝生長西

蕃先立學校以教于國復設小學以化于宮又

慕大漢休風特起太學親臨釋奠雖古賢主何

以加茲書初立志其始也書親視表其誠也

紹興十六年金皇統六年夏人慶三年春正月使賀金正

旦及萬壽節金以邊地賜

夏國累世開拓河之內外凡得州郡二十有二河

南之州九曰靈見十卷曰洪見十卷曰宥見十卷曰銀見十卷

卷二曰夏見十卷曰石未詳宋史夏國傳元吳立石州

積年文案簿書器械遁意即其地曰鹽見十卷曰會

見十卷曰南威見十卷河西之州九曰興即興慶府曰定見十卷

卷二曰懷未詳宋史夏國傳咸平四年九月

西夏書事

卷三十六

二

曰涼見十卷曰甘見十卷曰肅見十卷曰沙見十卷曰瓜見十卷

卷二熙秦河外之州四曰西寧古湟中地甘肅通志

改西平郡後魏置鄯州改破羌縣為西都周改為

樂都郡隋大業初復為西平郡唐改鄯州屬隴右

道寶應中沒入吐蕃宋崇曰樂後魏為鄯州元和

寧後入于夏今為西寧府志鄯州古西戎地

漢金城郡後涼呂光改為西河郡舊唐志鄯州是

故樂郡太平寰宇記鄯州東至蘭州廣武縣一百

三十里東南至河州鳳林縣二百八十里宋志曰

樂州是遼川城今西寧府東碾伯縣西二百里曰

廓舊唐志廓州天寶初改寧塞郡乾元初復曰廓

州屬隴右道太平寰宇記北至鄯州一百八

里東南至鳳林縣二百八十里東北至龍支縣二

百九十里西北至鄯城縣三百八十里今西寧府

碾伯曰積石即唐積石軍元和志在廓州西南一

縣界曰積石百五十里儀鳳二年置西臨大澗北

枕黃河紹興七年入于夏餘有靜州見十卷勝州見十卷龍州見十卷

韋州甘肅通志云在靈州東南二百二十里其東有湖曰東湖西南有大蠡小蠡黑鷹虢八諸

山今靈州伊州漢匈奴地後漢永平中取之置宜禾都尉屯田以通西域復為匈奴

所據唐貞觀中置伊州元和志伊州是伊吾縣在

敬煌大磧之外南去玉門關八百里東南去陽關

一千里今為哈密衛在乾順又得遼西北諸州及

陝西北鄙其地益廣時仁孝又使人至金乞地金

主以德威城定邊軍等沿邊地賜之見與買金五

三月尊孔子為文宣帝又稱中罕購善書以千之

令州郡悉立廟祀殿庭宏敞並如帝制世宗時

西夏書事 卷三十六 三

仁孝僻處偏隅而能尊禮先師為世教振頹

風以聖學維國本乃偏霸中罕觀者書以予之

紹興十七年金皇統七年夏人慶四年春正月使賀金正

旦及萬壽節其世益寶朝又使人至金乞地金

仁孝盡收德威等城沿邊地設官置守至是因賀

正上表謝去王門關入百里東南去觀

夏五月西平公任得敬表請入朝西平中興公

得敬在鎮日事誅殺僚佐有諫者勿聽自以有大

功冀與國政使人上表請入覲仁孝欲許之御史

大夫熱棘公濟言竊見戚臣任得敬士表請朝其
心蓋爲干政地也從古外戚擅權國無不亂得敬
雖屬懿親非我族類能保其心之不異乎惟陛下
察之濮王仁忠亦言其不可遂止

秋八月策舉人

立唱名法復設童子科于是取士日甚

按此西夏設科目之始惜其制史闕之矣

冬十月賜李崇德中書舍人

崇德宗室士仁孝愛其才特賜之

西夏書事 卷三十六 四

紹興十八年金皇統八年夏人慶五年春正月使賀金正

旦及萬壽節

沿途雨雪賀正使至已後期乃與賀節使同入見

二月金使來橫賜童子採干晷双士日甚

使臣爲萬波古等

三月建內學

仁孝親選名儒主之史臣曰自乾順建國學設

弟子員三百立養賢務仁孝增至三千人尊孔子

以帝號設科取士又置太學內學選名儒訓導觀

其立綱陳紀傳曰不有君子其能國乎

夏五月新律成

西夏音樂經元昊更張久非唐末遺音仁孝使樂

官李元儒采中國樂書叅本國制度歷三年始成

賜名新律進元儒等官

冬十一月中書令濮王仁忠卒

仁忠長身美髯鬚立朝侃侃動中禮法弟舒王仁

禮監軍韋州私受吏民錢遺書責之勉以官箴仁

禮輒還所受已卒家無擔石儲仁忠悉以廩俸給

西夏書事

卷三十六

五

之已與家人日食粗糲而已任得敬謀內召潛令

任太后授意朝臣太后憚仁忠嚴數年不敢泄于

外至是卒贈吳王諡恭顯

紹興十九年

金皇統九年十二月廢主亮天德元年

夏天盛元年春正

月使賀金正旦及萬壽節

金石丞相完顏亮陰蓄篡謀恩結羣下夏使與宋

高麗使人賀亮請厚賚之

秋七月召西平公任得敬為尚書令

得敬聞濮王卒以金珠賂晉王察哥言于仁孝請

召得敬仁孝令得敬入爲尚書令得敬諂事察哥
兩人頗相得
冬十二月賀正使如金至廣寧聞金亂而還
使人至廣寧聞金右丞相完顏亮弑熙宗自立國
中大亂乃持儀物而回

按 使還何書嘉不辱命也

金使來告哀不納

亮既自立使來告哀并諭廢立事仁孝使人止之
境上詰曰聖德皇帝何以見廢不納

西夏書事

卷三十六

六

按 金亮篡謀久蓄一旦顯行弑逆宋之君臣苟
能聲罪致討直搗黃龍誅斬逆羯雪二帝蒙塵
金外之恥立千秋討賊之經豈不遑哉夫何中國不
能討而夏人詰之境上數語義正詞嚴賊亮聞
之應亦索然氣沮也

紹興二十年

金天德二年

夏天盛二年春輝月金復遣使

來諭遂受其使

金主以夏不納告哀使復遣侍衛親軍步軍都指

揮使完顏思恭萬戶完顏撒改來諭且以名諱告

仁孝受之

秋七月遣使如金賀

仁孝遣御史中丞熱辣公濟等表賀卽位開封尹

蘇執義等賀受尊號

按上書受使茲書使賀仁孝可謂守義不固矣

冬十月進任得敬中書令癸卯日進賀賀表辭

得敬日尊寵用事仁孝任以中書令得敬佯表辭

不許

紹興二十一年

金天德三年

夏天盛三年春正月使賀金

西夏書事

卷三十六

七

正旦及生辰

按海陵聖節金史不書非無義也

秋九月奉表如金

金主以上年冬十二月癸卯白虹貫日詔去尊號

仁孝表請上之

金使來賀生日

使臣爲經武將軍修起居注蕭彭哥

金史夏國傳以賜生日使

在皇統元年與熙宗紀及交聘表異

按金使賀生日始此

冬十二月以幹道沖爲蕃漢教授

道沖先世靈州人祖從德明遷興州世掌夏國史

職道沖年五歲以尙書中童子舉長通五經譯論

語注作別義三十卷又作周易卜筮斷以國字書

之行于國中

紹興二十二年金天德四年夏天盛四年春正月使賀金

正旦及生辰

夏使與宋史高麗使同賜宴大金集禮曲宴儀金主卽御座引臣僚至

丹墀舞蹈畢各上殿次引宋使從人入至丹墀再拜不出班奏聖躬萬福又再拜有敕賜酒食又再

西夏書事 卷三十六

拜引左廊立次引高麗夏從人入分引左右廊立

果牀入進酒金主舉酒時上下侍立官並再拜接

蓋畢候進酒官到位當坐者再拜坐卽行臣使酒

傳宣立飲畢再拜坐次從人再拜坐至四蓋餅茶

入致語聞鼓笛時揖臣使并人從立口號絕坐宴

并侍立官並再拜坐次從人再拜坐食入五蓋獻

宴教坊謝恩畢揖臣使起果牀出金主起入閣臣

使下殿歸幕次賜花人從隨出戴花畢先引人從

入左右廊立次引臣使入左右上殿位立金主出

閣坐果牀入坐立並再拜坐次從人再拜坐九蓋

秋九月金使來賀生日

使臣爲吏部郎中蕭中立

紹興二十三年金貞元元年夏天盛五年春正月使賀金

正旦及生辰

金主以皇弟亮卒輟朝命有司受獻生辰乃受賀

夏五月畏吾兒國來獻

畏吾兒居伊州外見夏國日盛遣使獻方物

秋九月金使來賀生日詔書金主指之

使臣為翰林待制謀良虎

紹興三十四年

金貞元二年

夏天盛六年春正月使賀金

正旦及生辰

金主不豫不視朝賜使人就館燕生辰方受賀

西夏書事

卷三十六

九

三月使賀金遷都

金主自中京遷都于燕改燕京為中都府仁孝使

王公佐往賀

秋九月請市儒釋書于金

仁孝遣使請市儒釋諸書金主許之

異按市書美舉也而兼及于釋則未免惑于異端

夏正矣

紹興二十五年

金貞元三年

夏天盛七年春正月使賀金

正旦及生辰

金主淫暴日甚仁孝使賀特遣樞密使御史大夫等官爲使以示敬禮

夏五月朔日有食之

越日大風兩雷電震壞宮殿鴟尾仁孝以天變肆

赦國中

附

金史交聘表貞元三年夏五月夏遣使謝恩

改是時金無事于夏不知所謝何恩紀傳不載

秋九月賜尙食官阿華銀幣

仁孝獵于賀蘭原有駿馬損足命執治道者戮之

西夏書事

卷三十六

十

阿華侍側諫曰田獵非人主所宜今爲馬多殺貴

畜賤人豈可聞于四境乎仁孝訝而止還以語罔

后后賜銀幣獎之以愧從臣之不言者

紹興二十六年

金正隆元年

夏天盛八年春正月使賀金

正旦及生辰

金主自九月廢朝數月不出是月庚戌始復視朝

夏使賀正不得見生辰使乃得與宋高麗使同入

賀

夏四月晉王察哥卒

察哥爲將貪雖多戰功時論鄙之晚年貨賄公行
威福自用仁孝以其尊行勿之問卒年已七十餘
猶姬妾充下陳有園宅數處皆攘之民間者仁孝
令悉還其主

秋七月彗星見

丙午出東井約長一丈光芒竟尺癸丑又犯五諸

五侯

九月以任得敬爲國相

晉王察哥在朝得敬猶知顧忌及察哥卒益易仁

西夏書事

卷三十六

七

孝勢日專橫政由己出舉朝側目

紹興二十七年

金正隆二年

夏天盛九年春正月使賀金

正旦及生辰

金主以大房山山陵禮成遍賜百官諸國賀正使

至亦厚賚之

夏四月金使來橫賜

金主遣宿直將軍溫敦斡喝來橫賜仁孝使樞密

都丞旨梁元輔中書舍人趙衍爲館伴元輔有口

才議論風生斡喝不能難使回稱夏國多才較昔

為盛
五月劉天寶
慶尹
二人倚勢弄權請謁賄賂輻湊其門秘書監王舉

六月任得敬以弟任得聰為殿前太尉任得恭為興

秋九月金使來賀生日

使臣為宿直將軍僕散烏里黑
紹興二十八年金正隆三年夏天盛十年春正月使賀金

正旦及生辰

百夏書事

卷三十六

十一

宣徽使敬嗣暉諭之云云攷海陵紀及嗣暉傳

所諭何事並不詳

夏五月立通濟監鑄錢

自茶山鐵冶入于中國國中乏鐵常以青白鹽易

陝西大鐵錢為用及金人據關右置蘭州等處權

場若以中國錢貿易價輒倍增商人苦之仁孝乃

立通濟監命監察御史梁惟忠掌之鑄天盛永寶

錢與金正隆元寶錢並用金主禁之仁孝再表請

錢與金正隆元寶錢並用金主禁之仁孝再表請

乃許通行

秋九月金使來賀生日

具命封贈守制

使臣爲宿直將軍阿魯保

紹興二十九年

金正隆四年

夏天盛十二年春正月使賀

金正旦及生辰

夏使與宋諸國使同宴高麗使臣知樞密院金淳

夫與夏使問難折以禮乃屈

三月金人侵分地

金人遣兵部尙書蕭恭經畫邊界頗佔夏國分地

西夏書事

卷三十六

三

爭之不得歸宋官李宗閏知之上書高宗言夏人

怨金人背盟奪其分地誠遣辨士往說之夏必出

兵爲我聲援可藉以圖恢復不報

秋九月金使來賀生日

夏高麗使臣

使臣爲昭毅大將軍宿直將軍加古撻懶

紹興三十年

金正隆五年

夏天盛十二年春正月使賀金

正旦及生辰

金主謀伐宋夏使入見命修戰守備爲應

三月任得敬進爵楚王

出入儀從幾與國主等御史中丞熱辣公濟上疏
劾之不報

按綱目進爵之辭二進某爵爲王上進之也某
進爵爲王自進之也得敬獨相夏國進爵自由
後日之脇主分國已兆于此

冬十月任得敬請廢學校

得敬凌虐朝士見仁孝尊崇儒學深惡之上言經
國在乎節儉化俗貴有權衡我國介在戎夷地瘠
民貧耕獲甚少今設多士以任其濫竽糜廩祿以
恣其冗食所費何資乎蓋此中國之法難以行于
我國者望陛下一切罷之仁孝不報

丙夏書事

卷三十六

古

紹興三十一年

金正隆六年十月
世宗雍太定元年

夏天盛十三年春

正月使賀金正旦及生辰

時金主禁朝官飲酒犯者死三國人使燕飲者罪
不成享禮而還

立翰林學士院

以王僉焦景顏等爲學士

夏五月令史臣修實錄

仁孝命王僉等掌史事纂修李氏實錄

按

西夏歷國三百餘年其行事不少概見竊以爲羌俗少文史職固失傳耶及攷金史有夏臣羅世昌曾敘夏國世系元托克托作宋史亦得夏國樞要等書資其採拾然在當時已與正史稍牴牾况夫世遠年湮并此殘編不得見耶今觀仁孝之修實錄非不有志修明奈其泥用蕃書後之人欲徵遺事苦于文義難明方策雖存亦具文而已噫

西夏書事

卷三十六

五

秋九月金使來賀生日

時金主議平宋之後以兵由陝西定夏國遣太常博士蕭誼中賀夏主生日仁孝以興慶尹趙良中書舍人芭里昌明伴宴誼中探問虛實二人以任相功大舉國歸心爲言誼中聞之默然以任純忠爲樞密副都承旨

純忠得敬姪也

冬十月四川宣撫使吳璘使來徵兵不報

先金主亮分兵攻四川扼大散關璘遣使檄夏國

合兵討之仁孝報以書曰仰維鉅宋之興咸托羣
心之輔列聖承休于洪祚深仁克浹于寰區繄我
小邦賴爲盟主二百年講修于信息億萬姓陶冶
于淳濃嗟夫弗率之女真不自安于微分鼠竊一
隅之地狼貪萬乘之畿天地所不容神明爲咸憤
故此用兵薄伐尙敢肆志不庭毀先廟以示戰士
之威殺君母而杜諫臣之口似此盈科之罪難逃
負櫬之誅幸使命之來臨快輿情之奮厲共切驅
羊公忿敢辭汗馬勤勞布告庶邦遐邇俟來蘇之

后奮揚師旅鼓行解例懸之民以至仁伐不仁因
多助攻寡助請同李廣勿令一騎生還母效丁公
遽聽片言返旆此上天之假手宜壯士之同心允
穆師言恭行天討爾衆士旣造于南土我小國當
應于西偏前衝而九野生歡左顧而千軍振色從
茲歆血動有餘威誓將滅其衆而犁其庭相與寢
其皮而食其肉成大功于不日守中夏于歷年不
取必有天殃今其時矣一征當自葛始君其念之
餘需報捷之臨別候獻琛之賀使還勉報旨不及

二 酬然聞金兵勢盛兵不敢出

紹興三十二年

金大定二年

夏天盛十四年春正月遣兵

犯麟州及境而還

仁孝乘金兵大入以兵二千入蔡園川及馬家嶼

禿頭嶺將攻麟州吳璘命鈐轄秦弼諭之乃還

三月取金會川城四川兵入境大掠

金主雍新立人心未定仁孝知其內亂以兵襲取

其盪羌通峽九羊會川諸城砦興元都統制姚仲

亦破金鎮戎軍乘勝入夏境掠累勝等砦

西夏書事

卷三十六

夏四月使賀金卽位及萬春節因請互市

先是夏使至金使副及叅議各一謂之使都管三

上節中節各五下節二十四謂之三節人從時仁

孝使金吾衛上將軍梁元輔翰林學士焦景顏等

賀登極武功大夫賀義忠宣德郎高慎言賀萬春

節萬春節金主雍誕也金主宴使人于貞元殿三

節人從皆賜食廡下金主察食不精腆杖掌膳官

六十已而使人辭朝請賜互市金主從之

六月犒金兵于界上

金移刺窩斡叛兵敗西奔御史大夫白亮敬在西
北招討司市馬防其走入西夏以兵屯兩國界上
截之仁孝遣使犒焉

秋八月使賀金尊號

仁孝聞金主受尊號使左金吾衛上將軍蘇執禮

匭匣使王琪押進御史中丞趙良往賀

九月金使來賀生日

使臣爲尚書左司員外郎完顏正臣并以平移刺

窩斡告

西夏書事

卷三十六

六

冬十月移中書樞密院于內門外

便顧問也

按自古君臣一德無殊家人父子自叔孫定朝

禮儀冠履之分嚴堂陛之情隔于是朝有數見有

時延及後世遂有不御朝不見臣下之弊矣今

仁孝勵精圖治恐見聞未及將中書樞密院移

置內門外以便顧問則上無勿知之隱下無不

達之情夏政之善可知矣

十二月歸金侵地乞兵入寇

仁孝怨蜀兵入境以所得盪羌會川等城砦歸金
乞兵復宋侵地金主遣尚書吏部郎中完顏達吉
體究陝西利害以報

西夏書事

卷三十六

九



了與於宋員此金主徵尙書吏部郎中完顏致吉
乞兵復宋侵地金主遣尚書吏部郎中完顏達吉
體究陝西利害以報

西夏書事卷三十七

青浦吳廣成西齋論纂

宋孝宗隆興元年金大定三年夏天盛十五年春正月使

賀金正旦世宗尙忠厚賦賦必贊不其持錄因送世

使人爲武功大夫卮里昌祖宣德郎楊彥敬昌祖

後官至殿前太尉彥敬由翰林學士進參知政事

三二人皆爲夏國名臣

按昔夫子作春秋無事必書首時朱子作綱目

無事必書年數所以備遺也西夏自宋南渡後

西夏書事 卷三十七

一記注闕佚惟金史交聘一表畧存歲時朝聘梗

槩而所誌職官姓氏可補散亡故備錄之

三月使賀金萬春節

使人爲武功大夫訛留元智宣德郎程公濟

夏五月禁奢侈大夫卮里昌祖宣德郎楊彥敬昌祖

夏俗習功利尙忠勇地處沙磧不事耕織國多世

祿之家悉以奢侈相高故仁孝下令禁之五月

按是時夏政益可觀矣夫雕文刻鏤錦繡纂組

西夏非獨傷農事害女紅而民俗之澆淳國用之虛

實亦因之故漢文示敦樸而家給人足隋文崇
儉約而統一兵強自古然也仁孝奢侈之禁或
各有見于此噫弗可及已

秋七月金使來市馬

金主遣使至權場市馬仁孝不敢拒

九月金使來賀生日

使臣爲宿直將軍僕散習尼

冬十月始使謝金橫賜

先是金宿直將軍阿勒根和衍來橫賜仁孝使金

西夏書事

卷三十七

二

吾衛上將軍蘇執禮歐使李子美往謝

金史交聘表熙宗皇統五年書橫賜夏國海

正隆元年又書而夏之報謝使至是始見知

史文遺佚正多也

隆興二年

金大定四年

夏天盛十六年春正月使賀金正

且

金制宋使朝辭庭賜禮物夏使就賜于會同館時

武功大夫鬼喙執信宣德郎李師白禮對爛雅金

主嘉之特賜衣各三對人從衣各二對使副幣帛

百四十段金鍍銀束帶三金塗銀鬪裝鞍轡三金塗銀渾裏書匣間金塗銀裝釘黑油詔匣及包書詔匣祿各一復賜人從銀二百三十五兩絹二百三十五疋其後遂爲定制

二月以翰林學士焦景顏兼樞密都承旨

景顏性嚴毅守正不阿嘗與副都承旨任純忠論事純忠恃得敬勢強辨不肯下景顏面斥其奸仁孝知純忠理屈諭解之擢景顏職

三月使賀金萬春節

西夏書事

卷三十七

三

使人爲武功大夫紐臥文忠宣德郎陳師古

秋八月贈野利仁榮爲廣惠王

褒其制蕃字功也

九月金使來賀生日不問嘗與隔階承旨丑蘇忠鎰使臣爲宿直將軍完顏烏里雅潛承旨使賀金正冬十一月遣使如金乞免索人口

先是金邊吏奏夏人雖歸城砦而掠去人口財畜未歸因索之仁孝遣殿前太尉梁惟忠等奏告曰

衆軍破蕩之時幸而免者十無一二繼以凍餒死

亡其存幾何兼夏國與宋兵交人畜被俘戮者亦
多連歲勤動士卒暴露勢皆脔削又爲宋人牽制
使忠誠之節無由自達中外咸知願止理索不勝

下國之幸金主不許蓋宋兵有賊州金人將攻

乾道元年

金大定五年

夏天盛十七年春正月使賀金正

旦

使人爲武功大夫訛羅世宣德郎高嶽嶽官至樞
密直學士歷世通顯至孫良惠爲夏國相

二月莊浪族隴逋龐拜二門從西蕃首領結什角叛

西夏書事

卷三十七

四

降于金

莊浪族屬祈安坡其族有四曰吹折門密臧門隴
逋門龐拜門雖屬夏國叛服不常結什角者西蕃
董擅後擅子巴擅角歸宋賜姓名趙順忠子永吉
孫世昌皆受宋官襲把羊族長金人定陝西授世
昌忠翊校尉已爲鬼蘆族長京臧所殺金人誅京
臧以世昌子鐵哥爲把羊族都管大定四年宋兵
破洮州鐵哥弟結什角與母走喬家族避之喬家
族首領播逋與木波隴逋龐拜丙離四族耆老大

僧等共立結什角爲木波四族長號曰王子其地
北接洮州積石軍其南隴通族南限大山八百餘
里不通人行東南與壘州羌接其西丙離族與盧
甘羌接其北龐拜族與夏國容魯族連界結什角
念金爲父報仇常欲歸附會金臨洮尹移刺成使
人招諭結什角率木波丙離及隴通龐拜等族舉
地降于金

三月使賀金萬春節

時中國復與金和遣禮部尙書洪适等賀節夏使

西夏書事

卷三十七

五

同入見

夏五月任得敬營西平府

得敬志篡夏國欲以仁孝處瓜沙已據靈夏于是
役民夫十萬大築靈州城以翔慶軍監軍司所爲
宮殿盛夏溽暑役者糜爛怨聲四起

秋八月遣使如金

賀金主受尊號

九月金使來賀生日

使臣爲宿直將軍木虎蒲查

冬十一月后罔氏卒吳由懸天門東偏門出入示禮

罔氏內教謹嚴宮中莫敢犯仁孝諸善政多所贊成至是疾卒遺言以優禮大臣勤治國事爲囑成

三日按罔氏贊成諸善政爲西夏賢后后卒而夏之

善善政不復見矣惜哉其與西夏無異也

乾道二年金大定六年夏天盛十八年春正月使賀金正

旦書金主御大安殿受朝賀使人武功大夫高遵義宣

德郎安世隨皇太子百官入賀及賜宴侍坐者皆

西夏書事 卷三十七 六

有定員爲制皇太子百官入賀及賜宴侍坐者皆

二月任得敬以莊浪族亂告于金請兵滅之不許

日得敬以隴逋等族叛遣人諭不從乃以莊浪族違

命作亂欲興兵翦除告金主不知隴逋龐拜二門

舊屬夏國報以將檢會其地所屬毋擅出兵

三月使賀金萬春節善如燕西夏賀正而夏之

賀節使武功大夫曹公達宣德郎孟德達押進知

中興府趙衍至金金主詔使人初見朝辭命于左

掖門出入朝賀賜宴由應天門東偏門出入示禮

日敬也

復乞金免索人口夏天盛十三年春五月以對賢金

仁孝遣御史中丞李克勤樞密都承旨焦景顏奉

表復請金主方許之徵選前太保濟州節度使吳之

夏四月金使來橫賜燕窩賞賜詔早二款因燕知此

使臣爲宿直將軍斜卯搦刺仁孝遣使謝金主

秋七月以賀義忠爲御史中丞知樞密二門滅

義忠以精敏稱初授監察御史行部所至吏民肅

然仁孝知其賢進中丞

西夏書事

卷三十七

七

九月金使來賀生日

使臣爲翰林待制移刺照載又許清復至東吳肅

冬十月任得敬以兵攻莊浪族吹折密臧二門滅之

隴逋龐拜二族歸金請每年進馬駝百匹金主嘉

其慕義時遣能吏撫綏賞賜加厚二族因誘吹折

密臧二門潛附得敬遣毀前太尉任得聰將兵二

萬襲吹折二族破之悉擄其資財人畜爲景漢

乾道三年

金大定七年

夏天盛十九年春正月使賀金正

旦

使人爲武功大夫劉志真宣德郎李師白師白兩
使金國盡得其民風土俗著奉使日記三卷

三月立羅氏爲后

羅氏本中國人陷沒于夏入宮已數年仁孝幸之
遂以爲后

夏六月 按 書立羅氏誌禍始也羅氏失德史無明文然

觀金史所載異日純佑之廢羅氏有力焉故誌
之

使賀金萬春節

西夏書事

卷三十七

八

使人爲武功大夫任得仁宣德郎李澄得仁得敬
族弟得敬攻破莊浪族使得仁爲賀節使以覘金

主喜怒

夏六月莊浪族隴逋麗拜二門走依結什角

吹折二門爲得敬破滅隴逋二門聞之懼挈其族
帳走入把羊族依結什角以居

秋九月金使來賀生日

使臣爲宿直將軍唐括鶻魯奉對日請登金

冬十二月任得敬疾遣使請醫于金

仁孝遣殿前太尉芭里昌祖樞密都承旨趙衍至

夏金請醫治得敬疾金主許之

乾道四年金大定八年夏天盛二十年春正月使賀金正

旦

使人爲武功大夫利守信宣德郎李穆

二月任得敬附表如金謝金主不納

初金主使保全郎王師道治得敬疾曰如病勢不

可療則勿治如可治期一月還已得敬疾瘳師道

歸仁孝遣謝恩使左金吾衛正將軍任得聰至金

西夏書事 卷三十七 九

得敬亦附表進禮物金主曰得敬自有定分豈宜

素越卻不受

按得敬之附表謝蓋陰蓄異謀先爲嘗試計也

有民金主燭其奸而不受足以視奸雄之魄矣

三月使賀金萬春節

使人爲武功大夫咩布師道宣德郎嚴立本立本

言動有準繩官至樞密直學士進吏部尙書

夏五月任得敬遣使入四川約出兵攻西蕃

得敬專政二十餘年廣植私黨遣閫使至四川請

發兵夾攻西蕃以爲已助宣撫使虞允文以蠟書

報之宋史夏國傳得敬遣使事在三年五月孝宗紀在四年傳紀不合

秋七月獲任得敬帛書獻于金

得敬再以帛書約四川出兵至廣寧爲邏者所獲

仁孝疑其有異密獻于金金史世宗紀不載仁孝獻書事據西夏傳云任

得敬密通宋人求助宋人以蠟書答夏人得之誅得敬上表于金并以所執宋人及蠟書獻交聘表

云大定十年三月壬子宋以蠟書遣任得敬夏執其人并書以來大定十年宋乾道六年也攻宋史

夏國傳乾道三年五月夏國相任得敬遣間使至四川宣撫使約攻西蕃虞允文報以蠟書七月得

敬使再至夏人獲其帛書傳至金是夏人所獲乃帛書非蠟書也孝宗紀不詳再使事惟得敬初使

西夏書事 卷三十七 十

紀在乾道四年與夏國傳異

九月金使來賀生日西蕃史云金使賀生日

使臣爲引進使高希甫

乾道五年金大定九年夏天盛二十一年春正月使賀金

正旦金史世宗紀不詳

使人爲武功大夫莊浪義顯宣德郎劉裕

二月罷御史中丞熱辣公濟

公濟骨鯁有風裁見得敬專恣日甚抗疏言得敬

爲國懿親擅權寵作威福陰利國家有事以重已

功豈休戚與共之誼請賜罷斥得敬怒甚欲因事
十誅之仁孝恐爲所害令致仕歸得敬奸讒舉朝多
爲折挫敢與相是非詞氣不撓者惟公濟與焦景
顏翰道冲而已
三月使賀金萬春節安城

使人爲武功大夫渾進忠宣德郎王德昌

夏四月任得敬殺喬家族首領結什角于莊浪族執
其母以歸

結什角母向居莊浪族得敬伺其省母至發兵圍

西夏書事 卷三十七 十一

之招降不從率所部力戰潰圍走夏兵斷其臂遂

其擄其母結什角以創死

秋九月金使來賀生日武官所餘什角于莊浪族

使臣爲宿直將軍僕散忠宣燕源王燕昌使賀金

冬十月任得敬築祈安城

得敬旣殺結什角發兵四萬役夫三萬修築祈安

城增廣其制三月畢工

十二月金遣使按視壽令延封疆事

金陝西邊吏奏結什角死夏國築祈安城金主遣

大理卿李昌圖左司員外郎粘割斡特刺按視得
敬遣人答云祈安本積石舊壤城址久廢邊臣請
設戍兵鎮撫莊浪族以備盜非有他也結什角稱
兵入境故殺之不知爲喬家族首領也昌圖等不

三能詰

金萬春節

乾道六年金大定十年夏乾祐元年春正月使賀金正旦

使人爲武功大夫劉志直宣德郎韓德容志直志
眞弟官翰林學士工書法西北有黃羊志直取其
尾豪爲筆國中效之遂以爲法

西夏書事

卷三十七

三

二月任得敬圖喬家族金增兵備熙秦

初結什角死遺言請金另立首領金以結什角姪
趙師古爲隴逋等四族都鈐轄得敬遣謀約中國
圖之金主命于熙秦迫近宋夏處添戍爲備且

三月使賀金萬春節

使人武功大夫張兼善宣德郎李師白與宋使翰
林學士趙雄泉州觀察趙伯驥同入賀金主命護
衛中善射者押賜諸使射弓宴雄等中五十金押
宴者纔中七金主下詔諭止兼善等遂與高麗使

先退

夏四月太后任氏卒

得敬恃權行多不法太后屢戒不聽日以盛滿爲憂至是卒仁孝葬之如禮

五月任得敬脇主分國請封于金金主不許

得敬邪謀日甚凌轢宗親誅鋤異己仁孝不能制

分國之西南路及靈州囉籠嶺與得敬自爲國遣

左樞密使浪訛進忠翰林學士焦景顏如金爲得

敬求封冊景顏抗疏求罷行仁孝不許金主以問

西夏書事

卷三十七

三

尙書令李石曰事係彼國我何預焉不如許之金

主曰有國之主豈肯無故分國與人此必權臣迫

奪非夏主本意况夏國稱藩已久一旦迫于賊臣

朕爲四海主寧容此耶若彼不能自正則當以兵

誅之不可許也卻其貢物賜仁孝詔曰自我國家

戡定中原懷柔西主始則畫疆于乃父繼則賜命

于爾躬恩厚一方年垂三紀藩臣之禮旣務踐修

先業所傳亦當固守今茲請命事頗靡常未知措

意之由來續當遣使以詢爾所有貢物已令發回

金史交聘表以得敬分
國記在大定九年誤

按

嗚呼世風日下事變愈繁昔韓趙魏三分晉

國請命于周君子病之爲其專也降至後世以
強臣逼天子則美之曰禪讓以偏禪逐主帥則
假之曰樂推上下相蒙不知紀極今得敬擅權
至敢分國凶悖極矣仁孝力不能制爲之表請
倘金主聽李石之言許頒封冊則始而分終而
併晉之俱酒非其證歟世宗賜詔禁之邪謀爲
之頓阻書脇主罪得敬之專書不許嘉金主之

內夏書事

卷三十七

五

正也

秋七月日暮日色赤

金主以問左丞相紇石烈良弼對曰旦而赤應在
東高麗當之暮而赤應在西夏國當之未幾夏國
有任得敬之亂高麗有趙位寵之難

按

仁孝之篇令德美政相望于冊而前書彗星

見此書日色赤誌異也乾象莫大乎七政日色

日暮皆赤異亦甚矣不一月而夏國高麗兩國

俱亂變不虛生信哉

八月誅任得敬

得敬求封不得始有懼心與弟南院宣徽使任得

仁殿前太尉任得聰等將為變仁孝恃金為助密

謀誅之遂于月之晦日討殺得敬盡誅其族宋史

夏國傳乾道四年夏任得敬以謀篡伏誅金史西

夏傳大定十年仁孝為得敬求封金主賜詔諭之

二月晦日仁孝誅得敬上衣謝大定十年宋乾道

六年也二史互異金世宗紀十年閏五月庚辰夏

國任得敬齊李仁孝上表請分其國詔不許十二

月癸巳夏國詠任得敬遣使來謝傳紀月日又不

合是時夏國遠宋近金金史所紀似為可據然以

二月誅得敬不應有五月請封之事且以十二月

奏聞為時太遠故薛氏宋元通鑑記在是

年八月畢氏續資治通鑑亦同茲從之

西夏書事 卷三十七 五

九月金使來賀生日

使臣為尙書戶部郎中夾古阿里補

冬十一月遣使如金謝

仁孝遣殿前太尉芭里昌祖樞密直學士高嶽奉

表謝金曰得敬初受分土之後曾遣使赴大朝代

求封建蒙詔書不為俞納此朝廷憐愛之恩夏國

不勝感戴夏國妄煩朝廷冒請賊臣封爵深虧禮

節今賊臣誅訖大朝可無事使問其所分之地與

大朝熙秦路接境恐自分地以來別有生事已根

勘禁約乞朝廷亦行約束

乾道七年

金大定十一年

夏乾祐二年春正月使賀金正旦

使人爲武功大夫煞執直宣德郎馬子才

三月使賀金萬春節

故事夏使如金報至行省金主遣接伴使與書表人迂于境上入界則先具驛程腰宿之須始至京北行省翌日賜宴至河南行省亦然將至京有內侍一人以油絹襪韜三銀盒貯湯藥二十六品逆于近境對氏縣時春雨泥濘馬駝多病金主命使西夏書事

卷三十七

六

人駐燕賓館令獸醫護視然後入

二月西蕃克烈別部菊兒來投

克烈部長汪罕殺僇昆弟帥兵攻其叔菊兒蒙古部長也速該將兵助之菊兒兵敗走投夏國仁孝憫其窮蹙使居于西徧

夏五月以斡道冲爲中書令

道冲剛介直言侃侃不撓任得敬惡之沉淪幾二

十年道冲處之澹然仁孝重其節概至是擢中書

令百僚師式之未幾任爲相

秋九月金使來賀生日

使臣爲近侍局使劉琬

冬十一月任純忠伏誅

初隴逋四族都鈐轄趙師古頻掠祈安城爲結什
角復仇任得敬遣純忠率兵三萬鎮祈安已聞得
敬死一夕亡去匿于金之北境邏者執以送隴逋
族師古得之殺以終結什角焉

按純忠死于隴逋族書伏誅正賊臣之罪也

西丁亥年

卷三十七

七

西夏書事卷三十七終

